

УДАРНИК

П-Пурга ВКП(б) Райкомлэн но Райисполкомлэн органы

(АДРЕС: М-Пурга УАССР)

18 май 1937 ар № 58 (375)

7-тй АРЗЭ ПОТЭ.

Дуныз: толэзылы 75 коп.

1 номерезлэн дуныз 5 коп.

УМОЙ УЖАСЬЕС

Кыкетй номеро тракторной бригадысь тракторист Д. Шушаков одйг сменаын 7-8 трудодень басьтыны быгатэ. Горючай но уно экономить каре. „Быстро“ колхозын пар гырон (80 га) куинь нуналскын быдэстэмын. Бригадаын массовой уж умой пунктэмын. Бригадирез Зворыгин весь трактор'ёс дорын улэ, ужамзэс, зечлыкэс эскерылэ.

Кизёнэн конкретно кивалтоно

Районамы 17 май азелы кизёнэс куинь сельсовет'ёс быдэстйзы ни. Таослэн но коня ке етйн кизёнзы вань на.

Кизёнэз Ожмос, Аксакшур но Ш. Кечел, трос муз'емо сельсовет'ёс куашкато. Ожмос сельсоветын нунал куспын 30-40 гектар гинэ кизыло. Озы луэмен тйни татын кизён план 55 процентлы гинэ быдэстэмын. Татын ик трактор'ёс простой лэстыло, автомашинаос уг ужало. Сурес лэстыон палэнын улэм бере трактор'ёс участокуыс участоке кема ветлоно луо. Социалистической юрттэт кулээз'я организовать карымтэ. Та сельсоветын райисполкомлэн уполномоченноёсыз но уно. Соос кизён ужен кивалтыны ыстэмын. Нош кизёнлэн мынэмез с ослэсь бездействовать каремзэс возыматэ.

Аксакшур но Ш. Кечел сельсовет'ёсын озы ик. Трактор'ёс, куд-огез кык гектар гыро, нош кудйз 8-9 гек-

тар. Колхоз'ёсын азинлыко ужан понна ляб нюр'ясько. Горючай вуттытэк трактор'ёс простой лэстыло. Шофер'ёс нош колхозлэн председателенызы но кузеаськыны быгато („Юлтош“ но мукет). Колхоз председателёс татын асьэслэсь ляззэс возымато.

Етйн кизёнэз Аксакшур, Ожмос, У. Юри сельсовет'ёс али но уг дун'яло на. Планзы та дырозь 50 процентлы но быдэстэмытэ. Пурга но Н. Буран сельсовет'ёс етйн кизёнэз 95 процентлы быдэстйзы ни.

Сельсовет'ёс, уноез, единоличник'ёсыз вунэтыса уло. Озы луыса куд-ог сельсовет'ёсын единоличник'ёс т у ж бжит кизё. Нош В. Монья сельсоветын 120 гектар полысь единоличник'ёс 9 гектар гинэ кизызы. Колхоз'ёс но соослы нокыче юрттэт уг сето.

Бере кылись сельсовет'ёслы кизёнэз чутрак азинтоно. Соослы кулэ юрттэт но сетоно.

Кизёнэз жегатисьёс

Коммунист нимо колхозын (Ожмос сельсовет) гыронэз кизыны ке но жегатыны туртто. Предколхоза Камашев ачиз но кизёнэз жегатисьёслы юрттэ. Колхоз кизёнлы дасяськымтэ. Пичи шур'ёс вамен

выж'ёсыз тупат'ямтэ. Соин ик гусеничной тракторез выж вылэ пыртыны дйсьтымтэныз тракторез шур вамен гинэ потто вал. Отын тракторез нодтыса кык нунал во- зны.



Суред

вылын:

Бесхозый- с венной Камашев уж „бвёлэн“, трактор бордын тамак кыскыса сылэ.

Кизёнлы люкетисьёс

„Виль кужым“ колхоз сярись уно гож'ямын ни. Колхозлэн председателез Быков ужез умоятон покна чик уг сюлмаськы.

Зечлыкэз эскерись инспектор Петров, кизён дорысь одйг мешок сёзыез курэ улэ ватэм. Кигем кидысыс ог 35 процентэз кыре кыле. Петров тае чик уг учкы. Уно кидысэс сортировать карытэк кизызы.

Тае „мелаз адже“ шуса кладовщик Зарбатов, складысь кидыс вылэ шертэмэз кыстам. Озы тыни государствеоз но, колхозэз но соос алдаса ужало. Колхозлэн председателетаче факг'ёсыз „адзымтэ“ улсын улэ. Етйн кидысэз куинь пол сортировать кароно луиз.

Райзолы татысь ужез али ик эскероно. Алдаськыса ужасьёсыз ответственность улэ кысконо.

Испаниысь фронт'ёсын

Бисканской фронтын

13 мае республиканской авиация фашист'ёслэсь 1 самолётэс уськытйз. Парашютэн тэтчем германской летчик пленэ басьтэмын. Герника городэз бомбардировать каронын участвовать кари шуыса властьёслы но журналист'ёслы ивортйз со. Мятажник'ёслэн авиацизы Бильбао городэз юн бомбардировать кариз. Городын улйсь калык'ёс пöлын трос бырем'ёс но вань. Гипуская секторын мятежник'ёслэн атака нуэмзы дугдытэмын. Отын трос калыксы быриз соослэн.

Центральной фронтын

Мадрид дорысь мятежник'ёслэн артиллеризы Мадридэз бомбарди-


ровать кариз. Республиканской артиллерия но авиация мятежник'ёслэсь артиллеризысь бомбардировать каронзэс дугдытйзы.

Тахо шурлэн нуназе палтйз республиканец'ёс али но наступление нуо. Мятажник'ёслэн коня ке окоп'ёссы штыковой атака нуыса басьтэмын.

Авилалэн провинцияз республиканской батареяослэн тылынызы Навальпераль де Пинарес котырысь военной объект'ёс сутэмын.

Юнной фронтын

Кордова городлэн уй палысьтыз республиканской артиллерия мятежник'ёслэсь трос интыо ысь огазеяськемзэс пазыз. Отын мятежник'ёслэн трос калыксы быриз.



Москва.

Нарком-

землэн

юртэз.

„Юлтош“ колхозын

Автомашиналэсь моторэз сори- зы. Та понна Курьянов но Кожеков, виноватэ усисьёс ответственность улэ кыскыма.

Куинь тракторен та дырозь 213 гектар гинэ гыремын. Покоев но Рябчиков тракторист'ёс 9 гектарозь гыро. Борисов Ст. кык

гектар гинэ гыре, сое но урод- Колхозлэн участок'ёсыз вис'ямтэ, горючай бвёлэн простой луыла. 13 мае сиктэм сторож назначить каризы. То трактор'ёсыз куара- зыя гинэ шедтэ. Сычг „сторож“ёслэсь горючез но лушкало гинэ. У. Б.

КИЗЕНЛЭН МЫНЭМЕЗ

(17 май азелы)

СЕЛЬСОВЕТ'ЕС	Киземын	Быдэстэ- мын (Процентэн)
П. Пурга	1743	100
Гожня	893	90,0
Кечур	753	95,0
Пытцам	839	81,0
Ильинск	1793	99,0
В. Монья	1397	100
У. Юри	1238	85,0
Б. Уча	951	85,0
Ш. Кечел	1601	68,0
Аксакшур	1396	69,0
Буран	987	88,0
Ожмос	1288	55,0
Н. Буран	944	71,0
П. Можга	1178	77

БРИГАДА ПЛАНЗЭ БЫДЭСТИЗ

МТС-лэн одйг номеро тракторной бригадаез гырон планзэ быдэстйз. 120 гектар интые 156 гектар гыремын ни. Рогожин но Балакин тракторист'ёс умой ужало. Та бригада али Аксакшур сельсоветэ ужаны лыктйз. Баушев.

10 мурт дышетэмын

Ожмос гуртын гожтэт бжит то- дйсьёсыз дышетон организовать каремын вал. 10 мурт дышеткыса али свидетельство басьтызы ни. Дышетон бордын Т. Кадышев умой ужаз.

Багышев.

МТС-ын алдасько

„1й май“ колхозлы 10 гек- тар вильвыл кесяно. Кизен быдэстэмын, етйн гинэ кыле- мын. Со участокин чашка вань.

МТС-лэн чашка гырон виль плугез вань, нош колхозлы „бвёл“ шуса, уг сето. Валэн со участокез гырыны уг луы.

Москваысь театр Парижын выступать кароз

Международной выставк дыр'я (август толзе) Ленин орден Горькийлэн нимыныз нима Москвской художественной Академической театр Парижын (Франция) выступать кароз. Отын куинь постановка возматаны пус'емын: „Анна Каренина“, „Враги“ но „Лю-

бовь Яровая“. Гастрольной спектакльёсын СССР-лэн народной артист'ёсыз — орден нулльсьёс Качалов, Москвин, Леонидов, Тарханов, Хмелев, Тарасова, Добронравов но мукет'ёсыз участвовать карозы.

Музее 1200 сюрелэсь но трос ветлизы

В. И. Ленинлэсь Центральной музейэ усътэм дырысен 16 мае одйг ар тырмиз. Со музей Сталин эшлэн кичёлтэмезя ВКП(б)-лэн Центральной Комитетэзлэн пунктэ-меныз кылдытэмын.

Ужаса ульсьёслэн гениальной вождызылэн улэменыз но Ленинлэн Сталинлэн быдзым партизылэн историеныз тодматскон выльсь нун-

алы быдэ татчы сюр'ёсын ляд'яськис ужасьёс но колхозник'ёс ветло. В. И. Ленинлэн Центральной музейэ ар кустын 1.200 сюрслэсь но трос мурт ветлизы. Соос пöлысь 100 сюрс муртлэсь тросэз партийной ужасьёс но пропагандист'ёс.

Туэ В. И. Ленинлэн Центральной музейэзлэн филиал'ёсыз Ленинград, Киев но Тбилиси горэд'ёсын усътэмын луозы.

Шадрин вал быззылытонэз жегатэ

„Быстрово“ колхозын конюх луса Шадрин ужа. Та ик производителэз но утялтэ. Быззылытон понна татчы мукет колхозысь но эр вал'ёс юнматэмын. Тйни татчы ветлыса дырез юмме быдтоно

луэ, Шадрин юыса улэмен кошконо луэ. Быззылытон план но уг быдэсмы.

„Быстрово“ колхозлэн правлениезлы та ласянь али ик кулэ ужрад ортчытоно.

Михайлов.

Россияын нырысетй буржуазно-демократической революциез ог вадеслы вормем бере но съёд реакция кутскон азын обжитак кусыл луиз. Тйни РСДРП-лэн витей с'ездэ со кусыпе люкаськиз. Декабрьской восстаниез вормем бере нырысетй руской революцилэн уллань мыноно линиез кутске ни. Нош со уллань мыноно линиын жутсконлэн кык моментэз вал на: ужась массаос 1906 арын тулыс но 1907 арын тулыс отступлениез быдтыны турттылызы, тушмон вылэ жутскыны выльсь кутскылызы.

Та куинь ар'ёсы ужась класслэн революционной нюр'яськонэзлэн вöлкэмез сярысь стачкаослэн лядзыя ик ляд'яны быгатоно ни. 1905 арын Россиян стачечник'ёслэн лядзы 2862 сюрсозь вуиз, 1906 арын 1108 сюрсозь, 1907 арын 740 сюрсозь.

1905 ар бере стачечной движенилэн тужгес ик бадзым жутсконэз 1906-1907 ар'ёсы тулыс луылызы.

Самодержавие революционной тулкымез зйбон понна вань ас быгатэмэз лэстылыз. 1906 арын тулыс либеральной буржуазилэн юртгэмезя царизм международной заём выллем 2 миллиард франклэсь но трос поддержка басыныны быгатыз. 1906 арын июль толзе нырысетй нунал'ёсаз I Государственной Дума улямын вал. Со ваньзэ өвöлзэ кöня ке толзэ гинэ ульиз. Министр'ёслэн кабинетсылы Столыпин йыр луиз. Солэн нимыз но „Столыпин — адями ошылд'ёс“ вал. Жоген собере вань Россиян военно-полевой суд'ёс вöлмытэмын. Со военно-полевой суд'ёс ноычэ „юридической формальностьк“ виылон приговор'ёс поттылызы. Карательной отряд'ёс гурт'ёсыз громить карылызы но крестьян'ёсыз туж трос нöбраллязы. Вакчи дыр кустын гинэ 5 сюрслэсь но трос адямиос виылонды приговорить каремын.

1905 арын октябрь бере революциен кышкатэм либеральной буржуазия контрреволюциен ог'я зыгыртскиз. 1906 арын тулыс либеральной буржуазилэн партиез — кадет'ёс — правительство миллионд'ёс шедьтыны юртгыз.

II Государственной Думазе быр'ён'ёс 1907 арын январе ортчизы.

Крестьян'ёслэн мылкыдзы сярысь

РСДРП-лэн витей с'ездэз (Исторической справка)

соослэн депутат'ёсылэн II Думаын вераськемзыя судить карыны луэ. Тйни беспартийной крестьянской депутат ас вераськоназ мар шум вал: „поп'ёслэсь но помещик'ёслэсь муз'емзэс таланы кулэ“, нош ас вераськонзэ тазы быдтыз: „Соос святой евангелие сярысь вераськона но лядзо: „Куре но сётскоз тиледлы, йыгаське но учкоз“. Ми куриськом, куриськом но милелы уг сётэ, йыгаськиском но уг усъто; мар карод, өс'ёсыз тйяно но талано луоз? Господаос, эн лэзе өс'ёсыз тйяны, сётэ добровольно, соку воля луоз, эрик луоз, тиледлы но умой луоз, милемлы но“.

Таке вераськон'ёс, военно-полевой суд'ёсын но карательной отряд'ёсын революция пумозяз зйбымтэ на шуыса адзымон доказывать карылызы.

Паймонэз өвöл, II Государственной Дума кужмоям черносотенной реакцилы тужгес ик левой луиз. Столыпин азын лакействовать карись кадет'ёслэн „Думаез возманы“ турттэмзы токма луиз. 1907 арын 3 июне (вуж стилья) Государственной Дума улямын вал. Думалэн социал-демократической фракциез судэ сётэмын вал, ужасьёслэн депутат'ёсы каторгае но поселение келямын. Выль быр'иськон закон поттэмын вал. Со закон, III Думаын крепостник'ёслы-помещик'ёслы но крупной буржуазилы безраздельно господствовать карон сөйтэ.

Контрреволюция ог вакытлы вормиз. Россиян черносотенной реакцилэн туж лек полосаз кутскиз.

РСДРП-лэн витей с'ездэз контрреволюционной третьеиюньской переворот азынгес гинэ кутскиз. Со 1907 арын тулыс вал. Сычэ дыре революцилэн оглом уллань усёнэз вылын революционной тулкымылэн кöня ке жутсконзэ адске вал. 1906 арын тулыс но 1907 арын тулыс массовой выступлениеслэсь значенизэс дун'яса, Ленин верам вал: соос „отступленилэсь дугдонзэ но отступать карисьёслэсь наступление выльсь выжыны туртскемзэс возматом... Эн луы вал со дуг-

Радио сярысь

Город'ёсын, уно колхоз'ёсын радиодыо вань. Колхозник'ёслэн но шулдыр музыкаез кыл'иськемзы пота. Виль шор'ёсыз, беседаосыз, лекциос кыл'иськыло.

Радиоузеллэн ляд ужамез сяна мукетэ но вератэк уг луы. Пургалан, уноез, радио кыл'иськисьёс службаос луо. Радио кыл'иськем понна службаосэ 4 манет, колхозник'ёс 3 манет тыро (толзэлы). Озы тйни кондон'я радиоузел но умой ужа. Кондонтэк радио уг ужа.

Закон'я, дунтэк нокилэн но кыл'иськемез уг луы. Асьме районэн кивалт'исьёслэн „дырзы“ өвöл-а, кондонзы өвöл-а—4-5 толзэен радио понна взноссэс уг тыро.

Н. С. Смирнов, Н. А. Иванов, У. С. Дмитриева, П. Н. Кабанов, М. И. Кабанова, М. М. Байкалов, Ф. А. Андреев — взноссэс быдэн 5 толзэ тырыны „бз ваньме“ ни.

Коньков А. Е., Зонов Д. А. Ватолкин В. Я. (защитник) взноссэс быдэн 4 толзэ бз тыре на. Шеншин (прокурор) али гинэ тыриз. И. Ф. Сяктеревлэн но (Райисполкомлэн секретарез) тыронзэ 3 толзэы люкаськиз ни.

Колхозэн кивалт'исьёс но „азымыно“ В. И. Соловьевлэн но П. Е. Васильевлэн быдэн 7 толзэ ты-

рыны. М. П. Тубыловлэн (бригадир) 4 толзэы тырыны. Нош Соловьев газетэ гожтэмлэсь гинэ кышкаса улэ, „авторитет быре“ шуэ со.

Тйни озы, пичи радиоузеллэн 580 манет кондонзэ октытэк улэ. Куд-огез тае чыры-пыры ужен оло ляд'ялозы. Озы шуыны уг луы. Фашистской Германиян Москваысь радио кыл'иськем понна (отын сое лужкем гинэ кыл'исько) ужасьёсыз тюрмае пукто, нош татын асьмеос выходной нуналэ но радио кыл'иськыны умой ум бызат'иське.

Таке ужес али ик быдтоно. Радио „векчи“ уж өвöл, соин калык нуналысь-нуналэ культурно но политически жут'иське.

Парсьпиосыз урод утялто

„Красная бобья“ колхозын парсьвордон ферма вань. Заведующий но ветсанитар луса Хусайн Аминов „ужа“. Парсьпиосыз урод утялтэмен тросыз кулыло. Аминов ачиз фермае вакытэн-вакытэн гинэ вуыла. Зоотетникаез уг тоды.

Николаев.

латыш'ёс большевик'ёсыз поддержать карылызы. Тйни озы, азыло с'ездлэсь пöртэм луыса, V с'езд, Сталин эшлэн верамезя „большевицкой вал, хотя резко большевицкой“ ой ке но вал. Тйни та большевик'ёслэн трос луэмзы со бордысь потэмын, IV с'езд бере большевик'ёс ужась класс азын меньшевик'ёсыз шараян пумысь туж бадзым уж лэстызы.

Большевик'ёс пöлын, сездлэн участник'ёсыз луыса В. И. Ленин, И. В. Сталин, К. Е. Ворошилов, М. М. Литвинов, Ем. Ярославский, А. С. Еубнов, А. Г. Шлихтер, М. Цхакая но мукет'ёс вал.

Сталин эш „РСДРП-лэн лондонской с'ездэз (делегатлэн запискаосыз)“ ас статьяз „делегат'ёслэн территория люкаськемзы“ пумысь с'ездлэн составез сярысь интересной анализ лэсты. Большевицкой делегат'ёс бадзымез группаосын тужгес ик крестьянской но ремесленной район'ёсын (Гурия, Тифлис, западной губерниос но мукет) ыстысько шуыса тодмо луиз. Напротив, большевицкой делегат'ёс бадзымез группаосын исключительно крупно-промышленной район'ёсын (Петербург, Москва, Урал, Иваново-Возне.енск но мукет) ыстысько.

С'ездлэн 35 заседаниосыз вал. Ленин с'ездын трос ужпум'ёс'я вераськиз но буржуазной партиослы отношение сярысь ужпум'я докладчик вал.

С'ездын меньшевик'ёсын туж лэчыт нюр'яськон вö миз. Со нюр'яськон'ёс бере тросэз ужпум'ёс'я большевицкой резолюциос кутэмын вал. Большевицкой резолюциос пöлысь партизанской выступлениеос сярысь гинэ резолюция ортчиз (прошло).

Меньшевик'ёслэн либерально-буржуазной политиказы, соос пöлын троцкист'ёслэн но, шараямын вал. С'езд большевизмлэн вормонэныз, партилэсь оппортунистической крылозэ, меньшевизмез вормыса, революционной социал-демократилэн вормеменыз ворсаськиз.

(„Удмурт коммунальсь“)

Редактор — ИВАНОВ Г. М.

Пот'ясь — РАЙСПОЛКОМ.

Райлит № 101